



KENYATAAN MEDIA
JABATAN IMIGRESEN MALAYSIA
TARIKH: 18 JANUARI 2016

**IMIGRESEN PERKETAT KAWALAN PEMERIKSAAN DI PINTU-PINTU MASUK
NEGARA**

Susulan dari beberapa insiden pengeboman di Negara jiran dan beberapa tangkapan individu berkaitan ancaman penganas oleh PDRM, Jabatan Imigresen Malaysia (JIM) akan memperketatkan kawalan pemeriksaan di pintu-pintu masuk Negara.

Selain prosedur pemeriksaan biasa dan pengambilan data biometrik (cap jari), pegawai-pegawai JIM yang bertugas di pintu-pintu masuk akan membuat penelitian rapi bagi memastikan setiap individu yang masuk melepasi kawalan pemeriksaan imigresen adalah pelawat yang tulen. Jika disyaki dan diragui, pegawai imigresen berhak untuk membuat pemeriksaan dengan lebih teliti. Individu yang meragukan akan berhadapan dengan tindakan Notis Tolak Kemasukan/*Not To Land Notice (NTL)* dibawah Sek. 8 Akta Imigresen 1959/63 atau ditahan untuk siasatan lanjut.

Sepanjang tahun 2015, sebanyak **68,363** individu telah di NTL oleh JIM.

JIM juga memohon supaya semua pihak agar tidak menjadikan isu jika berhadapan dengan situasi *queue* panjang dan terpaksa beratur lebih lama bagi memberi laluan kepada kawalan pemeriksaan imigresen. Perlu diingatkan bahawa keselamatan Negara adalah perkara yang paling diutamakan.

Sepanjang tahun 2015, JIM telah merekodkan sebanyak **124,595,008** pemeriksaan pergerakan keluar dan masuk. JIM tidak akan berkompromi dengan mana-mana individu yang berpotensi memberi ancaman kepada keselamatan Negara kita.

JIM juga sentiasa bekerjasama dengan agensi-agensi keselamatan yang lain dalam memastikan keselamatan rakyat dan Negara terjamin.

#TAMAT#.

DATO' SRI MUSTAFA BIN HJ. IBRAHIM

Ketua Pengarah

Jabatan Imigresen Malaysia